


Bibel fa Kjinja

brinjt junt

De Foarma
un daut Sot



Jeschräwen von: Edward Hughes
Jemolt von: M. Maillot un Lazarus
Toom Pauss jestalt von: E. Frischbutter un Sarah S.
Äwasat von: Ed Zacharias
Hääjestalt von: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2011 Bible for Children, Inc.
Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.



Jesus lieed de Lied een
Dach bie een Wota. Vål
Menschen kjeemen
toop; meist too vål!

Waut wudd Jesus
doonen?




Jesus sach doa een Boot, un jinkj
doa nenn. Soo kunn hee de
Menschen seenen un dee
kunnen am seenen
un hieren.



Jesus vetald an Jlikjnissen—
Jeschichten von jeeeenelje
Sachen, dee an waut
von Gott lieeden.



"Een Foarma streid Sot opp sien
Flekj." De Lied kunnen sikj krakjt
väastalen waut Jesus säd.






De Lied wisten krakjt woo de Foarma
daut deed—see hauden daut
aul foaken jeseenen.



Waut von de Sot foll
oppem Foot Stich. Een
husch, un dan haud een
Voagel daut oppjeäten.



Eenjet Sot foll opp steenaje Ieed.
Dee wossen bosich, oba de Plaanten
wieren sea denn. Aus de Sonn heet
wort vedrieijden dee;
dee hauden nich
deepe Wartlen.




Eenjet Sot woss mank Krut
un jeef kjeene Kjeena.


Daut Krut neem daut goode
Sot unja, daut et nich
Sonnenschien un
Rääjen kjrieech.




Daut äwaje Sot foll opp goodet
Launt. Daut jeef jesunde Plaanten met
een deel Kjieena. Dit
freid däm Foarma.



Aus de Jeschicht ut wia kjeemen de Apostel un fruagen Jesus, "Wuarom rätst du en Jlikjnissen?"



Jesus säd, de Jlikjnissen halpen Lied von Gott vestonen wan see am goot sent. Lied dee Gott nich leewen, vestonen de Jlikjnissen nich.



Jesus säd waut daut Jlikjniss
meend. Hee säd, de Sot es Gott sien
Wuat. De Sot oppem Footstich es soo aus eena

dee Gott sien
Wuat nich
vesteit. De


Beesa
moakt
am Gott
sien Wuat
vejäten.



Eenje Menschen sent aus de Sot opp steenaje
Ieed. See nämen Gott sien Wuat bosich aun,
oba wan see utjelacht woaren daut see
Gott leewen ooda daut schwoa
woat, dan passieet waut
truajet.



See freiden sikj toom met Jesus gonen un dan hieren see opp un sent Gott sien Wuat nich jehuarsom. An paust daut nich met Gott to gonen. Daut es schod daut see leewa Menschen aus Gott jehorchen.



Daut Krut en
de Jeschicht
es soo aus waut
wie beduaren, ooda
fa eenje, daut
hinjaraun sennen
no Jelt. See saten
aules aun toom Jelt
moaken un Sachen
haben, daut see
Gott en äa Läwen
utloten.



De Sot dee opp goode Ieed foll un eene goode
Arnt jeef es soo aus wan Gott sien Wuat em
Hoat oppnâmen un doano läwen. Dee deenen
Gott un ieren am.



Daut Volkj wull nich veloten. See wullen met
Gott gonen un am jehorchen. Derch Jesus siene
Jlikjnissen wisten see woo see Gott jehorchen
kunnen.



De Foarma un daut Sot


Eene Jeschicht von en daut Wuat Gottes,
de Bibel

finjt eena en

Matäus 13

"Wan dien Wuat openboat woat,
jefst daut Licht." Psalm 119:130





Daut Enj



Dise Biblische Jeschicht sajcht ons von onsen wundascheenen
Gott, see ons jemoakt haft un ons well kjanenlieren.

Gott weet daut wie schlaichtet jedonen haben, waut hee Sind
nant. De Strof fa Sind es de Doot, oba Gott siene Leew fa ons es
soo groot, daut hee sienen eensjen Sän, Jesus, schekjt, daut hee
aum Kjriez stoawen sull un de Strof fa onse Sind nämen sull. Dan
stunt Jesus vom Doot opp, un fua no sien Tus em Himmell! Wan du
dän Gloowen aun Jesus hast, un am frajchst diene Sind to
vejäwen, dan deit hee daut! Hee kjemt dan un läft en die, un du
woascht opp emma met am läwen.

Wan du dit jleewen kaust, dan saj to Gott:
Leewa Jesus, ekj jleew daut du Gott best, un worscht een Mensch
toom fa onse Sind to stoawen, un daut du nu wada läfst. Komm en
mien Läwen un vejeff mie miene Sinden, soo daut ekj nu nieet
Läwen haben kaun, un noch emol opp emma no die kom. Halp mie
daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

